

### 相思引·重阳

□ 顾鹏程

一夜秋高千里霜。  
丹枫染就寄柔肠。  
菊花对酒，  
风送自飘香。  
多少情丝空缱绻，  
时逢寒露又重阳。  
南归鸿雁，  
未语泪千行。

### 满江红·九日有思

□ 洪福良

莫折黄花，  
且看取、繁华消歇。  
还记得、丁香几瓣，  
满山堪折。  
少日对花敲格韵，  
而今醒眼耕云月。  
恨茱萸、笑我倚西风，  
头如雪。  
听白草，

题红叶。  
层阁望，  
云烟叠。  
算几番重九，  
菊酒清冽。  
椽笔浅催人老大，  
青山漫供诗清绝。  
尽可把、竹杖百钱悬，  
酬时节。

### 少年游·回首

□ 姜宝忠

一生赢取慨而慷，  
前事总徜徉。  
淳风慈雨，  
芳年华月，  
独闯欲弘彰。  
楼台依旧芳草易，  
暗付有何长？  
万种豪情，  
且凭杯酒，  
潇洒望夕阳。

### 生查子·重阳

□ 马春国

夜寂烛影残，  
水冷箫声咽。  
几簇野菊花，  
共对楼西月。  
弹指三十秋，  
青鬓欺霜雪。  
泪目见慈颜，  
独醉重阳节。

### 七律·重阳丝雨

□ 徐华文

真情回首忆当初，  
感念今生两部书。  
父爱艰辛风雨路，  
家慈守候土坯屋。  
流年往事亲犹在，  
逆境鸿途影不孤。  
万里高天长向望，  
问君可解此心无。

### 虞美人·重阳

□ 石鹤彪

春花秋月何时了，  
九九重阳好。  
忽生雅兴陟南山，  
也採黍鸡诗酒、为清欢。  
随吟一曲虫声瘦，  
正是耐时候。  
管弦弹罢古人篇，  
但有万千气象、我来填。

### 行香子·重阳

□ 于宝贵

蒿草枯衰，  
丹桂飘香。  
露重霜寒又重阳。  
登高望远，  
满目苍茫。  
正风儿止，  
树儿静，  
叶儿黄。

桑榆未晚，  
穷秋高唱。  
看枫红醉吻斜阳。  
华年已逝，  
笑看平常。  
喜情还浓，  
心还顺，  
路还长。

### 阮郎归·晚来叶叶染新霜

□ 赵卓雅

晚来叶叶染新霜，  
薄衫初试凉。  
登临方罢又重阳，  
恍惊岁月长。  
弦已弃，  
酒谁尝，  
无由泪两行。  
空心辗转欲还乡，  
黄花点旧妆。

### 鹧鸪天·秋韵抒怀

□ 洪曙光

绿瘦黄肥玉露生，  
登高望远雁长空。  
斜阑堆浪迷金蕊，  
旷野流霞醉赤枫。  
赏不尽，  
记充盈，  
丰收在即畅前程。  
耕耘四季心牵梦，  
落笔诗笺桑梓情。

### 采桑子·重阳念爹娘

□ 聂仁岩

当年只顾拼生计，  
山野穷乡，  
苦了爹娘，  
一路艰难鼎力扛。  
而今菊酒谁来饮，  
最怕重阳，  
又到重阳，  
儿女家家独自忙。

### 诉衷情令·重阳感怀

□ 卜祥杰

东篱金菊暗舒香。  
天朗好秋阳。  
不惊蟹肥稻满，  
岭上染新黄。  
蛩唱杳，  
雁声长。  
醉苍茫。  
人生易老，  
韶华莫负，  
少作猜量。

### 调笑令·华发

□ 陈丽梅

华发，  
华发，  
妙手新裁一霎。  
如稠似缎垂肩，  
遥观婉作少年。  
年少，  
年少，  
能把时光换了？